



Día Internacional dos Dereitos do Nen@

01. DEFINIÇÃO DE NENO/NENA

A Convención aplícase a todas as persoas menores de 18 anos de idade.

02. NON DISCRIMINACIÓN

Todos os nenos e nenas do mundo teñen todos os dereitos recoñecidos na Convención.



03. INTERESE SUPERIOR

Cando as autoridades, ou as persoas adultas, adopten decisións que teñan que ver contigo deberán facer aquilo que sexa mellor para o teu desenvolvemento e benestar.

04. APLICACIÓN DOS DEREITOS

As autoridades deben facer que se cumpran todos os dereitos recoñecidos na Convención. Deben axudar á túa familia a garantir os teus dereitos e tamén deben colaborar con outros países para que se cumpran en todo o mundo.

05. ORIENTACIÓN DE PAIS E NAI

As autoridades deben respectar as responsabilidades, dereitos e deberes dos teus pais e os das persoas que sexan responsables da túa educación. A túa familia ten a responsabilidade de axudarche a exercer os teus dereitos.

COÑECES OS TEUS DEREITOS?

CONVENCIÓN SOBRE OS DEREITOS DO NENO

enredate.org



unicef

10. REUNIÓN DA FAMILIA

Se, por calquera circunstancia, vives nun país e os teus pais noutro, tes dereito a entrar no país no que estaan os teus pais e a reunirse con eles, ou a que os teus pais se reúnan contigo.

11. TRASLADOS E RETENCIONS

As autoridades deben evitar que te leven de forma ilegal a outro país ou que te retengan ilegalmente.

12. OPINIÓN DE NENOS E NENAS

Tes dereito a opinar e a que esa opinión, de acordo coa túa idade e madurez, sexa tida en conta cando as persoas adultas vaian tomar unha decisión que che afecte.

13. LIBERDADE DE EXPRESIÓN

Tes dereito a expresar libremente as túas opinións e a buscar, recibir e difundir información e ideas de todo tipo, sempre que non vaian en contra dos dereitos doutras persoas.



14. LIBERDADE DE CONCIENCIA, RELIXIÓN E PENSAMENTO

As autoridades deben respectar a teu dereito á liberdade de pensamento, conciencia e relixión.

15. LIBERDADE DE ASOCIACIÓN

Podes asociarte libremente, crear asociacións e reunirse pacificamente con outros rapaces e rapazas, sempre que estas actividades non vaian en contra dos dereitos doutras persoas.

16. PROTECCIÓN DA INTIMIDADE

Tes dereito a unha vida privada propia, a que se respecte a túa vida familiar e á intimidade do voso domicilio, a que non che abran a correspondencia e a que ningún ataque a túa boa imaxe.



17. ACCESO Á INFORMACIÓN

Tes dereito a recibir información axeitada e segura a través de todos os medios de comunicación... En especial, a información que sexa importante para o teu benestar e desenvolvemento.

18. FAMILIA E AS SUAS RESPONSABILIDADES

A túa familia é a responsable da túa educación e desenvolvemento e debe actuar pensando no teu interese. As autoridades darán axuda cando sexa necesario.

19. PROTECCIÓN CONTRA MALOS TRATOS

As autoridades deberán protexerte dos malos tratos, os abusos e a violencia, tamén dos que provengan dos teus pais ou responsables legais.



20. PROTECCIÓN DOS NENOS SEN FAMILIA

Tes dereito a unha protección e axuda especiais no caso de que non teñas pais ou que estes non estean contigo. Esta axuda terá en conta que poidas continuar a túa educación e que poidas manter a túa lingua, a túa cultura e a túa relixión.

21. ADOPCIÓN

En caso de adopción sempre se debe ter en conta, por riba de todo, o benestar do neno ou a nena.

22. NENOS E NENAS REFUXIADOS

Os nenos, nenas e mozos refuxiados (que fosen obrigados a abandonar o seu país por unha guerra, unha catástrofe natural ou outra circunstancia) serán obxecto de protección especial.

23. NENOS E NENAS DISCAPACITADOS

Se sofres algunha discapacidade física ou mental, tes dereito a cuidados e atencións especiais que garantan a túa educación e capacitación ao fin de axudarche a que gooces dunha vida plena.



24. A SAÚDE E OS SERVIZOS SANITARIOS

Tes dereito a gozar do nivel máis alto posible de saúde e a recibir atención médica cando enfermes. Os Gobernos deberán cooperar cos doutros países para que este dereito sexa unha realidade en todo o mundo.

25. CONDIÇÕES DE INTERNAMENTO

Se permaneces temporalmente nun establecemento para protexerte ou para curarte dunha enfermidade física ou mental, débese revisar periodicamente a túa situación para comprobar que o internamento sexa apropiado.

26. A SEGURIDADE SOCIAL

Os Estados deben recoñecer a todos os nenos e nenas o dereito a beneficiarse da seguridade social e teñen que poñer os medios para que este dereito sexa unha realidade.



27. O NIVEL DE VIDA

Tes dereito a un nivel de vida axeitado para o teu desenvolvemento. A túa familia é a responsable de que teñas o necesario para vivir dunha forma digna, pero se non poden proporcionarche as autoridades deben axudar.

28. A EDUCACIÓN

Tes dereito á educación. A educación primaria debe ser obrigatoria e gratuíta, e debes ter facilidades para acceder á educación secundaria ou ir á universidade. Os Gobernos dos países deben colaborar para que isto sexa unha realidade en todo o mundo.

29. OBXECTIVOS DA EDUCACIÓN

A educación deberá encamiñarse a desenvolver a túa personalidade, aptitudes e capacidades mentais e físicas ata o máximo das túas posibilidades. Debe prepararte para ser unha persoa respectuosa e responsable con outras persoas.



30. MINORÍAS ÉTNICAS OU RELIXIOSAS

Se pertences a unha minoría étnica ou relixiosa, débese respectar o teu dereito a vivir segundo a túa cultura, practicar a túa relixión e a falar a túa propia lingua.

31. O OCIO E A CULTURA

Tes dereito ao xogo, ao descanso e ás actividades recreativas e culturais.

32. O TRABALLO INFANTIL

Tes dereito a protección fronte a calquera tipo de traballo perigoso para a túa saúde ou que che impida ir á escola. Non podes traballar ata cumprir unha idade mínima e, se o fas, débese cumprir unhas condicións axeitadas.

33. O USO DE DROGAS ILEGAIS

Éstado é responsable de protexerte das drogas ilegais e do tráfico de drogas e debe establecer as medidas legislativas, administrativas, sociais e educativas necesarias para conseguilo.

34. EXPLOTACIÓN SEXUAL

As autoridades deben protexerte da explotación e os abusos sexuais, incluídas a prostitución e a participación en espectáculos ou materiais pornográficos.

35. VENDA E SECUESTRO

Os Gobernos deben tomar todas as medidas que sexan necesarias para impedir a venda, a trata e o secuestro de nenos e nenas.

36. OUTRAS FORMAS DE EXPLOTACIÓN

Tes dereito a estar protexido contra as demais formas de explotación que sexan prejudiciais para o teu benestar.

37. TORTURA E CÁRCERE

Ningún neno, nena ou adolescente pode ser sometido a torturas nin a outros tratos ou penas cruas. Se cometiches un delito non se che impondrá a pena de morte nin a de cadea perpetua. Se te xulgan e decláran culpable só deberás ir a prisión como último recurso. Nunca deberás estar nas mesmas prisións cos adultos.



38. CONFLICTOS ARMADOS

En tempos de guerra non poderás ser tratado como soldado nin participar nos combates. Os nenos e nenas todos dereito a unha protección especial en caso de conflito.

39. RECUPERACIÓN E REINSERCIÓN SOCIAL

Se sufriches malos tratos, explotación, abandono ou estivesches nunha guerra, tes dereito a que se ocupen de ti para recuperar te física, social e psicolóxicamente.

40. XUSTIZA E MENORES

Tes dereito a defenderte con todas as garantías cando te acusan de ter cometido un delito. As leis deben establecer unha idade mínima antes da cal non poden ser xulgados como se fosen persoas adultas.

41. A LEI MÁIS FAVORABLE

Se hai leis distintas á Convención que se poidan aplicar nalgún caso que che afecte, sempre se aplicará a que sexa máis favorable para ti.

42. DIFUSIÓN DA CONVENCIÓN

Tes dereito a coñecer os dereitos recoñecidos nesta Convención. Os Gobernos teñen o deber de difundila entre nenos, nenas, mozos e persoas adultas.

DO ARTIGO 43 AO ARTIGO 54

Os artigos 43 ao 54 explican como os Gobernos e organizacións internacionais, como UNICEF, deben colaborar para que se cumpran os anteriores dereitos.

PROTOCOLOS FACULTATIVOS

Os protocolos complementan a Convención sobre os Dereitos do Neno e actualizan algúns temas que requiren ser tratados con máis profundidade.